

**CONSELLERÍA DE MEDIO AMBIENTE****Xurado Provincial de Montes Veciñais en Man Común**

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03

Resolución de 29 de maio de 2002, do Xurado Provincial de Montes Veciñais en Man Común da Coruña pola que se resolve o expediente nº 367 que afecta ó monte "De Cornes", do lugar de Cornes, parroquia de Arcos, concello de Mazaricos:

"Reunido o 29 de maio de 2002 o Xurado Provincial de Montes Veciñais en Man Común da Coruña, baixo a presidencia do delegado provincial da Consellería de Medio Ambiente, D. Higinio J. Sánchez-Rodilla Fuentes, coa asistencia dos vocais, Josefa Fernández Fernández, xefa do Servicio de Montes e I.F., Alfonso Vázquez Castro-Garma, letrado do Gabinete Xurídico Territorial da Xunta de Galicia, Juan Ramón Beneyto Bellas, representante do Colexio de Avogados da Coruña, José Manuel Caramés Franco, representante das comunidades veciñais de Montes en Man Común, e da secretaria Ana María Díaz López, xefa do Servicio Xurídico da Delegación de Medio Ambiente da Coruña, para estudar e resolve-lo

Expediente: 367
Monte: De Cornes
Comunidade: Lugar de Cornes
Parroquia: Arcos
Concello: Mazaricos

ANTECEDENTES DE FEITO:

19. Os veciños do lugar de Cornes, parroquia de Arcos, concello de Mazaricos, solicitaron deste Xurado, con data 26.05.2000, a declaración como veciñal do expresado lugar, do monte arriba citado e que ten as seguintes características:

Superficie: 10,52 Ha.
Lindeiros:

NORTE: Desde o punto coñecido como "Campo das Leiras" ata o punto "Tras dos Campos", linda co camiño de Tras dos Campos, que o separa de propiedades particulares de Cornes. LESTE: Desde o punto "Tras dos Campos" ata a paraxe denominada "Campo da Fonte", xunto o lugar de Cornes, linda co camiño de Riba dos Campos, que o separa de propiedades particulares de veciños de Cornes. Desde o "Campo da Fonte" ségue o muro da finca propiedade de Manuel Beiro ata o punto coñecido como "As Raposeiras". Deste último ata o denominado "Campo Redondo", linda ca pista do Campogrande, que o separa de propiedades particulares de veciños de Cornes. SUR:

Remata no "Campo Redondo", no cruce da pista do Campogrande e a pista do Monte, que o separa de propiedades particulares de veciños de Cornes. OESTE: Desde o "Campo Redondo", ata o punto onde se xunta a pista do Monte co camiño das Pedriñas Negras, linda coa pista do Monte, que o separa de propiedades particulares de veciños de Cornes. Daquí ata o "Campo das Leiras", linda co camiño das Pedriñas Negras, que o separa de propiedades particulares de veciños de Cornes.

2º. A vista de tal solicitude, o Xurado, na súa reunión do 10.05.2001, acordou inicia-lo oportuno expediente, nomeándose como Instructor del a Alfonso Vázquez-Castro Garma, quen aceptou expresamente o dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Muros, oídas tódalas persoas, organismos e corporacións interesadas, expedíndose mandamentos a tal fin dirixidos ó alcalde-presidente do concello de Mazaricos, ó xefe do Servicio de Montes e I.F. e publicándose edictos no D.O.G. (nº 173 de 06.09.2001), taboleiro de anuncios do concello e lugares de costume.

3º. Os veciños de Cornes fundamentan a súa petición ante o Xurado Provincial de Montes Veciñais en Man Común en que viñan aproveitando desde tempo inmemorial en réxime de comunidade sen asignación de cotas, segundo os usos e costumes, o monte correspondente a dito lugar. Aportan copia de documentos con referencias á existencia do monte veciñal.

4º. Publicados os edictos, e transcurrido o prazo para posibles reclamacións, non houbo presentada alegación algunha contra o presente expediente.

5º. Na tramitación destas actuacións cumpríronse as formalidades legais e regulamentarias, esixidas principalmente pola Lei 13/89, do 10 de outubro, de montes veciñais en man común, e o seu Regulamento de aplicación aprobado polo Decreto 260/92, do 4 de setembro, ambos da Comunidade Autónoma de Galicia, Lei de procedemento administrativo e demais disposicións aplicables ó caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

2º. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños do lugar de Cornes son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).

4º. Das actuacións obrantes no expediente, e en especial da comprobación do expresado no punto anterior, que ven avalado polo informe aportado polo Servicio de Montes e I.F. desta Delegación, onde hai referencia aos aproveitamentos realizados pola comunidade solicitante, dedúcese que no presente caso nos encontramos cun monte pertencente á Comunidade Veciñal do lugar de Cornes, no que se cumpren os aludidos requisitos.

Por iso, éste Xurado, á vista dos antecedentes e fundamentos de dereito expostos, por proposta do Instructor,

ACORDA calificar como veciñal en man común o monte De Cornes, de pertenza do lugar de Cornes, parroquia de Arcos, concello de Mazaricos. Asimesmo, acordase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Medio Ambiente da Coruña".

A Coruña, 12 de xuño de 2002


Vº e Pr.
O PRESIDENTE DO XURADO,

A SECRETARÍA DO XURADO,

Asdo. Higinio J. Sánchez-Rodilla Fuentes

Asdo. Ana María Díaz López





1748800
493500

Escaldadiza

CORNES

Caneliros

TE FORESTAL

3.652 Has